

**Meeqqat atuarianni tjenestemanditut atorfinnik il.il. amerlassusiliineq pillugu  
Namminersornerullutik Oqartussat nalunaarutaat nr. 29, 27. november 1997-imeersoq**

Meeqqat atuariat pillugu Inatsisartut peqqussutaanni nr. 1-imi, 6. juni 1997-imeersumi § 23, imm. 2  
aamma § 56, imm. 5 tunngavigalugit aalajangersarneqarput:

**Kapitali 1.**

Atuarfinni amerlassusiliineq pointilersuinerlu

*Amerlassusiliineq.*

§ 1. Nalunaarummi matumani atorfinnik amerlassusiliinertut pineqartoq tassaavoq atorfiit  
suussutsimikkut taaneqartut (= atorfiit taaguutaat) amerlassusissaannik aalajangersaaneq.

§ 2. Atorfiit amerlassusissaat naatsorsorneqartassapput ukiut atuariusut tamaasa sioqqullugit  
nalunaarutigineqarlutillu Kultureqarnermut, Ilinniartitaanermut Ilageeqarnermullu Pisortaqarfimmu,  
tassanngaanniillu taakku pillugit tunaartarisassanik nassitsisoqartassaaq. Atorfiit innuttaasut  
amerlassusii tunngavigalugit amerlassusilerneqartassagaangata, inuit amerlassusii ukioq taanna 1.  
januarimi pisortatigoortumik naatsorsorneqarsimasut tunngavigineqartassapput.

§ 3. Namminersornerullutik Oqartussat atuariutaanni aamma Kultureqarnermut, Ilinniartitaanermut  
Ilageeqarnermullu Pisortaqarfimmi atorfiit amerlassusissaannik pilersaarussiaq Inatsisartut  
ukiumoortumik aningaasanut inatsisaannut ilanngunneqartassaaq.

*Atuarfiit pointilersorneqarneri*

§ 4. Atuarfinni tamani klassit amerlassusiat najoqqutaralugu imatut pointilersuisoqartassaaq:

1) 1. - 9. klassit: ..... klassimut ataatsimut 1 point

2) 10. - 12. klassit: ..... klassimut ataatsimut 1 point imalt. 1,5 pointit

3) Klassit immikkut iluarsartuussat: ..... klassimut ataatsimut 2,5 pointit

Imm. 2. Klassinik imm. 1-imi taaneqartunik naatsorsuineq ima pisassaaq:

1) 1. - 9. klassit 11-nit amerlanerusunik atuortoqartut klassivittut naatsorsuunneqassapput.

2) 10. - 12. klassit klassivittut isigineqassapput atuortut qassiuneri apeqqutaatinnagit, kisiannili:

a) Klassit 12-it ataallugit atuortoqartut klassimut ataatsimut 1 pointiutillugu naatsor-sorneqassapput.

b) Klassit 12-inik amerlanerusunilluunniit atuortoqartut klassimut ataatsimut 1,5 pointiutillugit  
naatsorsorneqassapput.

3) Klassit immikkut iluarsartuussat ikinnerpaamik pingasunik atuortoqartut kisimik klassivittut  
immikkut iluarsartuussatut isigineqassapput. Klassit immikkut iluarsartuussat pingasunit

ikinnerusunik atuartoqartut klassitut nalinginnaasutut isigineqassapput atuartut qassiuneri apeqqutaatinnagit.

Imm. 3. Klassit atuartullu imm. 2 malillugu ilanngullugit naatsorsuunneqanngitsut naatsorsuinerimi ilanngunneqassapput amerlassusilersuinerit tulliuttumiittut malillugit, tassani pointit ataasiakkaat tamarmik klassitut ataatsit naatsorsuutigineqassapput, atuarfiup klassiisa amerlassusaannik naatsorsuinerimi:

Atuartut 0 - 12 = 1 point  
Atuartut 13 - 25 = 2 pointit  
Atuartut 26 - 39 = 3 pointit  
Atuartut 40 - 53 = 4 pointit  
Atuartut 54 - 67 = 5 pointit  
Atuartut 68 - 81 = 6pointit  
Atuartut 82 - 95 = 7 pointit.

## **Kapitali 2.** Tjenestemandit

### Atuarfimmi piareersarfiusumi ilinniartitsisut

§ 5. Kommunit atuarfiini atuarfimmi piareersarfmsumi atuartitsinissaq eqqarsaatigalugu, atuarfimmi piareersarfiusumi ilinniartitsisutut atorfiit amerlassusilersorneqartassapput, atuarfimmi piareersarfiusumi sap. akunneranut ilinniartitsisut skemami tiimiisa amerlassusiisa tamarmik 100%-ii kiisalu 2. aamma 3. klassini sap. akunneranut ilinniartitsisut skemami tiimiisa tamarmik 20%-ii tunngavigalugit.

Imm. 2. Atuarfimmi piareersarfiusumi ilinniartitsisut amerlassusissaat aalajangersarneqartassaaq, taamatut tiimissatut naatsorsuutigineqartut 27-inngorneri tamaasa ilinniartitsisoq ataasiutittarlugu. Atorfiit amerlassusii killilerneqarsinnaapput atuarfimmi ataatsimi skemami tiimissani 27-nik tiimeqarsinnaasunut.

Imm. 3. 2. aamma 3. klassini tiimit imm. 1 malillugu naatsorsorneqartut atuarfimmi piareersarfiusumi ilinniartitsisunik inuttalerneqarsinnaanngitsut, ilinniartitsisunik/ilinniartitsisuunernik atorfinitsitsinissat naatsorsornerannut tunngavigisamut ilanngunneqassapput.

### *Ilinniartitsisut/ilinniartitsisuunerit*

§ 6. Kommunit atuarfiini ilinniartitsisutut/ ilinniartitsisuunertut atorfiit amerlassusilerneqartassapput tiimit amerlassusii makku tunngavigalugit:

1) 4. - 12. klassini sap. akunneranut ilinniartitsisut tiimii tamaasa, taakkununga ilanngullugit immikkut atuartitsineq kiisalu sunngiffimmi atuartitsinerimi tiimit atuartitsiffiusut, meeqqat atuarfiat pillugu Inatsisartut peqqussutaanni § 4 malillugu ilinniartitsisut pinngitsooratik tiimerisassaasa iluanni ilinniartitsisunut isumagisassanngortinneqartut.

- 2) 2. aamma 3. klassini ilinniartitsisut skemami tiimiisa tamarmik amerlassusiisa 80%-ii.
- 3) Malittarisassat atuuttut naapertorlugit tiiminut ilassutit, kisiannili viceskoleinspektørit, skoleinspektørit, atuarfeqarfinni pisortat kiisalu fritidsinspektørit perorsaanermut atatil-lugu/ingerlatsinermi tiimiinut ilassutigisaat pinnagit.
- 4) Atorfilitutt suliffik sivikillisaq, meeqqat atuarfianni ilinniartitsisunut ukioq atuarfiusoq tamaat atuuttussamik akuersissutigineqarsimasoq aamma tiimit, atuarfinni/ilinniarfinni allatut iluseqartuni suliffeqarfinniluunniit sulinerup malitsigisaanik tiiminik ikilisaanikkut pissarsiarineqartut, Kultureqarnermut, Ilinniartitaanermut Ilageeqarnermullu Pisortaqaqfimmit immikkut isumaqatigiissuteqarsimaneq tassangaannilluunniit akuersissuteqarneq naapertorlugit pissarsiarineqartut.
- 5) § 5 naapertorlugu 2. aamma 3. klassini tiimit atuarfimmi piareersarfiusumi ilinniartitsisunut isumagisassanngortinneqarnissaat periarfissaqartinneqanngitsut.
- 6) Tiimit atuartitsiviusut amerlassusii, atorfinnut imm. 3-mi taaneqartunut pinngitsoorani atuartitsiviusussaatinneqartut iluanni isumagisassaannngortinneqartut, imm. 1-5 malillugit naatsorsuinermi tunngavigisanit ilanngaaticigineqassapput.
- 7) Tiimit qaangiuttoorfissatut neriorsuutigineqarsimasut imm. 1-5 malillugit naatsorsuinermi tunngavissanit ilanngaaticigineqassapput.

Imm. 2. Ilinniartitsisutut/ilinniartitsisuunertut atorfii amerlassusii aalajangersarneqartassapput, taamatut tiimissatut naatsorsuutigineqartut 27-inngorneri tamaasa ilinniartitsisoq ataasiutittarlugu.

Imm. 3. Kommunini ilinniartitsisutut/ilinniartitsisuunertut tjenestemanditut atorfinnik ikinnerpaamik 30-inik inuttaliisimasuni ilinniartitsisutut/ilinniartitsisuunertut atorfimmik ataatsimik, aalajangersimasumik skemaqanngitsumik (aalajangersimasumik taartaasartoq), pilersitsisoqarsinnaavoq, tjenestemanditut atorfii 30-it inuttalerneqareneri tamaasa. Atorfinni ataasiakkaani tamani tiimit ilinniartitsisunut annerpaamik tallimanut agguarneqarsinnaapput, taamaaliortoqarpallu taartaalluni tiimitut skemamut inissinneqarsimasutut atuartitsiffiusassallutik.

### *Viceskoleinspektørit*

§ 7. Atuarfinni ikinnerpaamik 17-inik pointilinni imaluunniit 280-inik atuartulinni imaluunniit atuarfeqarfinni pisortaajutigisumik skoleinspektøreqartuni viceskoleinspektøritut atorfimmik pilersitsisoqassaaq.

Imm. 2. Atuarfinni atuarfeqarfinni pisortaajutigisumik skoleinspektøreqartuni viceskoleinspektøritut atorfik ataaseq alla aamma pilersinneqassaaq, atuarfik ikinnerpaamik 35-inik pointe qarpal imaluunniit 520-nik atuartoqarpal.

Imm. 3. Atuarfinni, atuartunik 48-nik taakkualuunniit sinnerlugit najugaqarfigineqartunik, atuarfimmu atasuk atuartunut inissiateqartuni, atorfii imm. 1 - 2-mi taaneqartut saniatigut, viceskoleinspektøritut atorfik ataaseq pilersinneqassaaq.

### *Skoleinspektørit*

§ 8. Atuarfinni ikinnerpaamik 8-nik pointe qartuni imaluunniit 95-inik atuartulinni skoleinspektøritut

atorfimmik pilersitsisoqassaaq.

Imm. 2. Atuarfinnik nutaanik pilersitsinermi atuarfiup atulinnginnerani skoleinspektørimik atorfinitsitsisoqarsinnaavoq, klassit amerlassusaat naammaginatillugu, siusinnerpaamilli qaammatinik arfinilinnik sioqqutitsisumik.

#### *Atuarfeqarfiit pisortaat*

§ 9. Kommunini ataasiinnaangitsunik, namminerisaminnik ingerlasunik atuarfeqarfiusuni, § 10-lu naapertorlugu skoledirektørimik atorfinitsitsinissamut tunngavissaqanngitsuni, qitiusumik atuarfimmi kommunimit toqqarneqartumi skoleinspektøriusiq atuarfeqarfiup pisortaatut atorfinitsinneqarsinnaavoq. Atuarfeqarfup pisortaata kommunip meeqqat atuarfianik, sunngiffimmi sammisassaqtitsinermik, atuakkanik atorniartarfeqarnermik aamma kulturikkut qaammarsaanikkullu ingerlatsinermik aqutsinera isumagissavaa.

#### *Skoledirektørit*

§ 10. Kommunini ikinnerpaamik 5.000-inik inulinni imaluunniit 1.000-inik atuartulinni skoledirektørimik atorfinitsitsisoqarsinnaavoq. Skoledirektørip kommunip meeqqat atuarfianik, sunngiffimmi sammisassaqtitsinermik, atuakkanik atorniartarfeqarnermik aamma kulturikkut qaammarsaanikkullu ingerlatsinermik aqutsinera isumagissavaa.

#### *Fritidsinspektørit*

§ 11. Kommunini ikinnerpaamik 1.500-nik inulinni fritidsinspektørimik atorfinitsitsisoqarsinnaavoq. Imm. 2. Fritidsinspektørip tiimimut tapisiaasa, malittarisassat atuuttut naapertorlugit naatsorsorneqarsimasut, fritidsinspektørinut tiimimut tapisiaritinneqartussat amerlanerpaaffissaattut atuuttut aalajangiunneqarsimasut sinnerpatigik, ilinniartitsisut ilaat perorsaannermi ikiortit atorfinitinneqassaaq. Atorfinitinneqarneq ukiut atuarfiusut ataasiakkaarlugit atuutsinneqassaaq.

Imm. 3. Imm. 2 naapertorlugu tiiminut tapiliunneqartut sinneruttut 18-init amerlaneruppata, tiimit tapiliunneqartut sinneruttut 18-it aallartiffii tamaasa perorsaannermi ikiortit ataatsimik ilaneqassapput.

### **Kapitali 3.**

Tjenestemandit ilaasa suliassat immikkut ittut

#### *Skolelederit*

§ 12. Atuarfinni 8-nik ikinnerusunik pointeartuni imaluunniit 95-init ikinnerusunik atuartoqartuni atuarfimmi ilinniartitsisutut/ilinniartitsisuunertut atorfeqartut ilaat skolelederinnegortinneqassaaq.

## *Fritidslederit*

§ 13. Kommunini 1.500-t inorlugit inoqartuni qitiusumik atuarfimmi ilinniartitsisut ilaat fritidslederinnngortinneqarsinnaavoq.

Imm. 2. Nunaqarfinni ikinnerpaamik 60-inik arfinilinniit 19-inut ukiulinnik meerartalinni inuusuttortalinnilu atuarfimmi ilinniartitsisut ilaat fritidslederinnngortinneqarsinnaavoq.

Imm. 3. Imm. 2 naapertorlugu nunaqarfinni fritidslederinnngortitsiviunngitsuni suliaq skolelederimit isumagineqassaaq.

### *Ilinniartitsisut siunnersuisartut/atuartitsissutinik ilitsersuisartut*

§ 14. Qitiusumik atuarfinni atuarfinnilu 120-it sinnerlugit atuartulinni atorfinitsinneqassapput,

1) atualeqqaarneq immikkullu atuartitsineq pillugit ilinniartitsisoq siunnersuisartoq, aamma

2) 7. - 12. klassit pillugit ilinniartitsisoq siunnersuisartoq.

Imm. 2. Ilinniartitsisut siunnersuisartut imm. 1-imi taaneqartut saniatigut atuarfinni 70-it sinnerlugit atuartulinni, atuartitsissutini aalajangersimasuni atuartitsissutiniluunniit ataatsimoortuni ilitsersuisussanik arlalinnik atorfinitsitsisoqassaaq.

Imm. 3. 7.-12. klassit pillugit ilinniartitsisumik siunnersuisartumik aammattaaq atorfinitsitsisoqassaaq atuarfinni 120-it inorlugit atuartulinni 10.-12. klassimilu 12 sinnerlugit atuartoqartuni.

Imm. 4. Ilinniartitsisut siunnersuisartut atuartitsissutinillu ilitsersuisartut ukiumi atuarfiusumi ataatsimi atasussatut atorfinitsinneqartassapput.

### *Atuarfinni bibliotekarit aamma atuarfinni bibliotekariunerit*

§ 15. Atuarfinni ikinnerpaamik 6-inik pointilinni atuarfimmi ilinniartitsisut ilaat atuarfimmi bibliotekarit atorfinitinneqassaaq.

Imm. 2. Atuarfinni 20-nik imalunniit amerlanerusunik pointilinni aammattaaq atuarfimmi bibliotekarimut ikiortimik atorfinitsitsisoqarsinnaavoq.

Imm. 3. Qitiusumik atuarfimmi bibliotekariusoq atuarfimmi bibliotekariunertut atorfinitsinneqassaaq.

Imm. 4. Atuarfinni bibliotekarit imm. 1-imit 3-mut pineqartut ukiumi atuarfiusumi ataatsimi atasussatut atorfinitsinneqartassapput.

## **Kapitali 4.**

Timelærerinik allanillu tjenestemandit atorfinitssitaanngitsunik atorfinitsitsisarneq

Timelærerit, ukioq naallugu taartaasartut aamma taartaasartut

§ 16. § 6, imm. 2 naapertorlugu naatsorsuereernerup kingornatigut tiimini sinneruttuni atuartitsinerup

isumagineqarnissaanut timelærerinik atorfinitsitsisoqarsinnaavoq.

Imm. 2. Ilinniartitsisutut/ilinniartitsisuunertut atorfinni inuttalerneqarsinnaanngitsuni tiimit atuartsivigineqarnissaasa isumagineqarnissaanut aammattaaq timelærerinik imaluunniit ukioq naallugu taartaasussanik atorfinitsitsisoqarsinnaavoq.

Imm. 3. Ilinniartitsisut ukioq atuarfiusoq tamaat sulinngiffeqarsinnaanerak akuersissutigineqarsimappat, atuartsinerup isumagineqarnissaanut timelærerinik imaluunniit ukioq naallugu taartaasussanik atorfinitsitsisoqarsinnaavoq.

Imm. 4. Ilinniartitsisut atuartsisinnaanngikkallarnerini atuartsinerup isumagineqarnissaanut taartaasussanik atorfinitsitsisoqarsinnaavoq.

### *Isumaginninnermi perorsaasut aamma perorsaanermi ikiortit*

**§ 17.** Isumaginninnermi perorsaasut aamma perorsaanermi ikiortit atorfinitsinneqarsinnaapput

- 1) atuartut innarluutillit ikiorserniarneranni suliassat isumagineqarnissaanut,
- 2) atuartunut inissiani aamma atuartunut angerlarsimaffinni nakkutilliinermi suliassanut, aamma
- 3) sunngiffimmi angerlarsimaffinni, atuartut nakkutiginerannik suliaqartinnerannillu isumaginniffiusuni, ikiortit, taartaasartoqarnermik aqqissuussinerni kingoraartit imaluunniit atuarnep ingerlanerani tiimini atuartsiviunngitsuni assigisaannilu ikiortit.

## **Kapitali 5.**

Atortuulersitsineq il. il.

**§ 18.** Kultureqarnermut, Ilinniartitaanermut Ilageeqarnermullu Pisortaqarfik atorfiit nalunaarummi matumani amerlassusilikkat imarisassaas pillugit aalajangersakkanik erseqqinnerusunik aalajangersaasinnaavoq.

**§ 19.** Nalunaarut atuuttuulissaaq 1. december 1997. Tamatumunnga peqatigitillugu Meeqqat atuarfianni tjenestemandit atorfinnik il.il. amerlassusiliisarneq pillugu Namminersornerullutik Oqartussat nalunaarutaat nr. 31, 1. december 1992-imeersoq atorunnaarsinneqarpoq.

*Namminersornerullutik Oqartussaat, 27. november 1997.*

Konrad Steenholdt

/

Karl Kristian Olsen